

COPIA AUTÉNTICA. El documento electrónico ha sido aprobado. Este documento ha sido firmado por INTERVENCIÓN GENERAL. AYO A CORUÑA a las 14:40 del día 07/07/2023. Dir. Área de Economía, Facenda e Réxime Interior (MANUEL ANGEL JOVE LOSADA) a las 14:57 del día 10/07/2023, Concelleiro delegado responsable da Área de Economía e Planificación Urbana, José Manuel Lage Tuñas (JOSE MANUEL LAGE TUNAS) a las 14:59 del día 11/07/2023 y por ACTIVIDAD CORPORATIVA. AYO A CORUÑA a las 14:59 del día 11/07/2023. Mediante el código de verificación 2Z382N29555D00441CDK puede comprobar la validez de la firma electrónica de los documentos firmados en la dirección web https://sede.coruna.gal/Anotada en el Libro de Resoluciones por delegación de la JGL con el núm. COR/RES/13286/2023 el 11/07/2023



Anotada en el Libro de Resoluciones de la Junta de Gobierno Local, con el núm.: RES/AYT/13286/2023 11/07/2023

Area / Unidade RR.HH PE0000 ACL	Documento 10817I07G7	
Código de verificación  2Z38 2N29 555D 0044 1CDK	Expediente 108/2023/695	
	Data 07-07-2023	

Asunto: Autorización cobertura temporal posto xefatura unidade de atención cidadá nº 1949

RESOLUCIÓN

ANTECEDENTES DE FEITO

Primeiro.- O Xefe do Servizo de Atención Cidadá e Interior, con data 24/02/2023 e código de verificación 6P4C 6O4L 6Y4T 6Y59 1900, remite ao Servizo de Recursos Humanos unha solicitude de convocatoria pública para a cobertura, mediante comisión de servizos, do posto de Xefatura de Unidade de Atención Cidadá e Interior.

Dita cobertura temporal de posto solicítase porque considérase imprescindible a súa cobertura para garantir a boa marcha do Servizo de Atención Cidadá e Interior xa que neste posto realízanse funcións indispensables para os Rexistros do Palacio municipal de María Pita, do Forum Metropolitano e do Centro Ágora.

Segundo.- Con data 5 de abril de 2023 o Servizo de Recursos Humanos publica un anuncio de convocatoria para a cobertura temporal, entre outros, do seguinte posto de traballo:

1. Xefatura de Unidade de Atención Cidadá e Interior (referencia 1949).

No citado anuncio, indicase o persoal funcionario de carreira, que conforme a RPT vixente e as normas de xestión, reúnan os requisitos necesarios para a ocupación de este posto de traballo e que queiran participar nesta convocatoria, deberán presentar a correspondente solicitude nun rexistro municipal ou na sede electrónica, acompaña dun currículo, no prazo de 5 días hábiles, a contar desde a publicación deste anuncio.

Terceiro. As características do posto de traballo a cubrir, segundo os datos que constan na Relación de Postos de Traballo vixente, son as que se detallan na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Atención Cidadá e Interior	IT2210	Atención Cidadá	Xefe/a de Unidade	1949	A2/C1	22	AX	FR09 AP1

CONSIDERACIÓNS LEGAIS E TÉCNICAS

Primeira.- O artigo 96 da Lei 2/2015, de 29 de abril, do emprego público de Galicia, regula a comisión de servizos voluntaria, onde establece que os postos de traballo reservados ao persoal funcionario de carreira pódense prover excepcionalmente e de maneira temporal mediante unha comisión de servizos voluntaria. O artigo 64.6 do Real Decreto 364/1995 de 10 de marzo polo que se aproba o Regulamento Xeral de Ingreso do Persoal ao servizo da Administración Xeral do Estado e de provisión de postos de traballo e promoción profesional dos funcionarios civís da Administración Xeral do Estado establece que aos funcionarios en comisión de servizos reservaráselles o posto de traballo, o que hai que relacionar que o apartado 8 do art. 4 do Decreto 92/1991 de 20 de marzo polo que se aproba o regulamento de situacións administrativas dos funcionarios da Administración da Comunidade Autónoma de Galicia dispón que a comisión de servizos será desempeñada voluntariamente salvo nos casos de carácter forzoso.

Así mesmo, o artigo 30 do Decreto 151/2022, do 4 de agosto, polo que se aproba o Regulamento dos procedementos de mobilidade do persoal funcionario de carreira da Administración xeral da CCAA de Galicia e das entidades públicas instrumentais integrantes do sector público autonómico, establece que o persoal funcionario de carreira con destino definitivo poderá ocupar, excepcionalmente e de maneira temporal, un posto de traballo en comisión de servizos de carácter voluntario sempre e cando pertenza ao corpo ou escala e reúna os demais requisitos que estableza a correspondente relación de postos de traballo.

As comisións de servizos poderán acordarse, entre outros supostos, para desenvolver un posto de traballo cando estea vacante; entendendo que un posto está vacante cando non ten titular, cando o seu titular estea ocupando outro posto en comisión de servizos ou cando estea de permiso por parto, permiso por adopción, garda con fins de adopción ou acollemento, ou permiso do proxenitor diferente da nai biolóxica por nacemento, acollemento, garda con fins de adopción ou adopción dun fillo ou filla.

O posto da RPT nº 1949, de Xefatura de Unidade de Atención Cidadá e Interior, actualmente atópase vacante.

Segunda.- O Xefe de Servizo de Recursos Humanos, co conforme do Director da Área de Economía, Facenda e Réxime Interior, con data 25/05/2023 e código de verificación 1A49 2R5W 5J23 3I73 1AW3, unha vez examinadas as solicitudes recibidas e os CV dos candidatos presentados, así como o informe da Xefatura do Servizo de Atención Cidadá e Interior, de data 05/05/2023 e código de verificación 154F6V5O2J302I1O0S8Z, emite unha proposta de nomeamento de Dona Eva Mosquera Rivas, en comisión de servizos, no posto de Xefatura de Unidade de Atención Cidadá e Interior (ref. posto 1949).

Terceira.- Cómpre indicar, en relación á motivación da adxudicación dun posto en comisión de servizos á persoa considerada máis idónea, a sentenza nº 472/2022 do 1 de xuño de 2022 do Tribunal Superior de Xustiza de Galiza, a cal establece que ao tratarse dun sistema excepcional e temporal non require un proceso de selección ordinario no que exista unha publicitación dun baremo e unha valoración provisional de méritos. A comisión de servizos é unha vía excepcional de provisión temporal dun posto de traballo cuxa cobertura resulta necesaria e urxente a través da designación do persoal funcionario de carreira que resulte idóneo e cumpra as esixencias para o seu eficiente desempeño. Por tanto, esa nota de urxencia e idoneidade, outórgalle un plus de discrecionalidade á Administración convocante, respectando sempre os principios de igualdade, mérito e capacidade.



Por tanto, considerando a urxente necesidade de cobertura do posto de Xefatura de Sección do Teléfono 010 e R. Cidadá (ref. posto 2081) e co fin de que non se produza discontinuidade no funcionamento no Servizo de Atención Cidadá e Interior, e tendo en conta o disposto nos arts. 81 e 84 do Real Decreto Lexislativo 5/2015, de 30 de outubro, polo que se aproba o texto refundido da Lei do Estatuto Básico do Empregado Público, o art. 96 e ss da Lei 2/2015, de 29 de abril, do emprego público de Galicia, e o art. 30 do Decreto da Xunta de Galicia 151/2022, do 4 de agosto e demais normas concordantes, así como que a funcionaria proposta reúne os requisitos establecidos na RPT en vigor, procede destinar a Dona Eva Mosquera Rivas, en comisión de servizos, ao posto de traballo de Xefatura de Unidade de Atención Cidadá e Interior, referenciado co número 1949 na RPT.

Cuarta.- Esta comisión de servizos ten carácter temporal e a súa duración será ata o 30/09/2023. Dita comisión de servizos pode prorrogarse, respectando os límites máximos establecidos na normativa vixente, ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

As características do citado posto de traballo son as seguintes:

Servizo	Código	Unidade Org.	Posto	Ref.Posto	G	N	Esc	C.E.
Atención Cidadá e Interior	IT2210	Atención Cidadá	Xefe/a de Unidade	1949	A2/C1	22	AX	FR09 AP1

Quinta.- Actualmente, a funcionaria proposta está ocupando o posto de traballo de auxiliar de atención cidadá, posto con referencia nº 1958.

Sexta. O posto de orixe de Dona Eva Mosquera Rivas, segundo os datos que constan na Relación de Postos de Traballo, descríbese na seguinte táboa:

Servizo	Código	Unidade Org.	Posto	Ref.Posto	G	N/	Esc	C.E.
Atención Cidadá e Interior	IT2210	Atención Cidadá	Auxiliar de Atención Cidadá	1958	C1/C2	22	AX	FR05 AP2

Sétima.- Os custos que xere esta comisión de servizos atópanse orzados no grupo de programa 920 do orzamento prorrogado ao ano 2023, existindo crédito adecuado e suficiente para iso.

Oitava.- O órgano que ostenta a competencia en materia de persoal, segundo o disposto no art. 127.1. da Lei 7/1985, de 2 de abril, reguladora das Bases de Réxime Local, é a Xunta de Goberno Local.

Á vista do informe emitido polo servizo de Recursos Humanos, o Concelleiro delegado responsable da Área de Economía e Planificación Urbana, por delegación da Xunta de Goberno Local de 05/07/2023, en uso das facultades que ten conferidas,

RESOLVE:

1. Destinar a Dona Eva Mosquera Rivas (NIF ***0642**), en comisión de servizos, ao posto de Xefatura de Unidade de Atención Cidadá e Interior (nº ref. 1949).

As características do posto a ocupar son as descritas na seguinte táboa:

Servizo	Código	Unidade Org.	Posto	Ref.Posto	G	N	Esc	C.E.
Atención Cidadá e Interior	IT2210	Atención Cidadá	Xefe/a de Unidade	1949	A2/C1	22	AX	FR09 AP1

Os efectos económicos e administrativos desta comisión de servizos serán os do día da formalización da correspondente acta de aceptación.

2.- Esta comisión de servizos ten carácter temporal e a súa duración será ata o 30/09/2023. Dita comisión de servizos pode prorrogarse, respectando os límites máximos establecidos na normativa vixente, ata a celebración, no seu caso, do correspondente proceso de provisión de postos. Unha vez terminada esta comisión de servizos, a citada funcionaria volverá ao seu posto de orixe en caso de non obter este posto con carácter definitivo polos sistemas legalmente establecidos.

3.- Notificar a presente resolución á interesada e á xefatura do Servizo de Atención Cidadá e Interior.

A Coruña, na data da sinatura electrónica deste documento

A XUNTA DE GOBERNO LOCAL, P.D.
Concelleiro Delegado de Economía e Planificación Urbana
José Manuel Lage Tuñas